

आकाशवाणी

खास-खास खबरां:-

1. प्रधानमंत्री नरेन्द्र मोदी होर अज्ज आंध्रप्रदेश दा -दौरा करगंन- ओ कुरनूल च तकरीबन 13 हजार 430 करोड़ रपे दी केई विकास परियोजनाएं दा उदघाटन करगंन ते केइयें दा नीह पत्थर रक्खगंन।
2. भारतीय जनता पार्टी नै बिहार विधानसभा चुनाएं लेई अज्ज अपने 18 मेदवारें दी त्री सूची जारी कीती ऐ।
3. श्रीलंका दियां प्रधानमंत्री हरिणी अमारासूर्या होर दंडु दिनें दे अधिकारिक दौरै गितै अज्ज भारत पुज्जगंन।
4. मौसम विश्व विज्ञान संगठन नै आखेया ऐ जे वातावरण च कार्बन-डायक्साईड दा स्तर सारे कोला उच्चे स्तर पर रिकार्ड कीता गया ऐ जेदे कन्ने पृथ्वी पर होर गर्मी बदी सकदी ऐ ते बड़े मते कठर्न मौसमी हालात बनी सकदे न।
5. गुजरात दे अहमदाबाद दी 2030 आले राष्ट्रमंडल खेड्डें लेई मेजबान दे तौरा पर सिफारिश कीती गई ऐ।



PM –AP Visit

प्रधानमंत्री नरेन्द्र मोदी होर अज्ज आंध्र-प्रदेश दा दौरा करगंन। इस दौरान ओह नंदयाल जिले दे श्री शेलम स्थित श्री भ्रामराम्बा मल्लिकार्जुन स्वामी वरला

देवस्थानम च पूजा-अर्चना करगंन। ओह श्रीशेलम स्थित Spoorthi केन्द्र बी जागंन। प्रधानमंत्री होर दपैहरी कुरनूल च लगभग 13 हजार 430 करोड़ रपे दी केंई विकास परियोजनाएं दा उदघाटन करगंन ते केंइयें दा नीह पत्थर रक्खगंन। एह परियोजना उद्योग- बिजली दी Transmission, सिड़क, रेलवे, रक्षा विनिर्माण, पेट्रोलियम ते कुदरती गैस सनें प्रमुख क्षेत्रें च फैली दियां न- जेड़ियां क्षेत्रीय बुनियादी ढांचे गी बदाने ते राज्य च समावेशी समाजिक आर्थिक विकास गी गति देने आस्तै सरकार दी वचनबद्धता गी दर्शादी ऐ। इस मौके पर मोदी होर इक जनसभा गी बी सम्बोधित करगंन।



SL PM-India Visit

श्रीलंका दियां प्रधानमंत्री Harini Amarasuriya अज्ज दंऊ दिनें दे अधिकारिक दौरै पर भारत आँगन। ओहदा सम्भालने दे मगरा एह उंदा देश दा पैहला दौरा होग। श्रीलंका दियां प्रधानमंत्री होर 18 अक्टूबर तगर भारत च रौहगंन ते बड़डे सियासी लीडरें कन्नै मिलियै जरुरी दबक्खियां मुद्दें ते केंई क्षेत्रें च सहयोग गी तगड़ा करने दे तौर-तरीकें पर चर्चा करगंन।



BJP 3rd List

भारतीय जनता पार्टी बिहार विधानसभा चुनाएं लेई अज्ज अपने 18 मेदवारें दी त्रीं सूची जारी कीती ऐ। पार्टी नै नारकटाई गंज थमां संजय पांडे, शनपटिया थमां उमाकांत सिंह ते शिरारिया थमां लालबाबू प्रसाद गुप्ता गी टिकट दिती ऐ।

इयां गै बीना देवी कोचाधमन, सतीष कुमार यादव राघोपुर ते मोरारी पासवान पीरपायंती विधानसभा सीटें थमां चुनां लड़गंन। पार्टी नै अजें तोड़ी 101 विधानसभा सीटें लेई अपने मेदवारें गी घोषणा करी दिती ऐ।



Northern Railway

उत्तरी रेलवे इस साल **देयाली** ते **छठ पूजा** दौरान त्योहारें दी मंग गी पूरा करने लेई इक हजार बाद्दू खास रेलों चला रदा ऐ। नमीं दिल्ली च इक प्रैस कांफ्रेंस च गल्ल करदे होई Northern रेलवे दे जनरल मैनेजर अशोक कुमार वर्मा होरें आखेया जे इस सरबंधी च कम्मकाज गी खरी चाल्ली कन्नै संभालने लेई इक खास कंट्रोल रुम बनाया गया ऐ, जेदे नै 24 घंटे एहदे कन्नै जुड़ी दी गतिविधियें पर नजर रक्खी जाई सकोग।



UP-Divya Diwali Mela

उत्तर-प्रदेश सरकार अज्ज थमां कैई जिलें च **दिव्य दिवाली** मेले दा आयोजन करा रदी ऐ, जेदे च सिर्फ दिव्यांगें आसेया बेहतरीन हत्थे कन्नै बने ते होर दुआ समेयान लाया जाग। दिव्यांगे दे सशक्तिकरण लेई विभाग अपनी पेठा दा पैहला पारम्परिक मेला ला रदा ऐ, जेड़ा 16 ते 17 अक्टूबर दंऊ दिने तग्गर लखनऊ ते दुएं जिलें च लगोग। पिछड़ा वर्ग कल्याण ते दिव्यांग सशक्तिकरण राज्यमंत्री नरेन्द्र कश्यप होरें आखेया इस आयोजन दा मकसद दिव्यांग लोकें आसेया त्यार बेहतरीन समेयान गी बाजार देने ते उन्दा आत्मविश्वास बदाना ऐ। मेले च

आर्टिफिशल गैहनें, घर गी सजाने-सोआरने दा समेयान, हैंडलूम उत्पाद, मोमबतियां, मिट्टी दे दिये, पांडे ते पूजा दा समेयान, अचार, जैम, मसालें ते दिव्यांगे आसेया त्यार दुआ घरेलू समेयान थहोग।



WMO-CO2

मौसम विश्व विज्ञान संगठन (WMO) नै आखेया ऐ जे वातावरण च कार्बन-डायक्साईड दा स्तर सारे कोला उच्चे स्तर पर रिकार्ड कीता गया ऐ जेदे कन्नै पृथ्वी पर होर गर्मी बदी सकदी ऐ ते बड़े मते कठर्न मौसमी हालात बनी सकदे न। WMO दी 2023 समां 2024 बश्कार इक नमीं रिपोर्ट च आखेया गया ऐ जे वातावरण च कार्बन-डायक्साईड दी वैश्विक औसत संद्रता च साइडे 3 हिस्सें प्रति मिलियन दी बढ़ौतरी होई ऐ जेड़ी 1957 च थमां आधुनिक माप शुरु होने दे बाद सारे शा बड्डी बढ़ौतरी ऐ। एह रिपोर्ट अगले महीने ब्राजिल च शुरु होने आले संयुक्त राष्ट्र जलवायु परिवर्तन सम्मेलन थमां पैहले प्रकाशित कीती गई ऐ। WMO दे उप-महासचिव होरें आखेया जे CO2 ते होर ग्रिन-हाउस गैसें कन्नै फसी दी गर्मी साड़े जलवायु गी टर्बो-चार्ज करा करदी ऐ,जेदे कारण मौसम होर मता कठन हुंदा जा करदा ऐ।



Ahmdabad Common wealth Games

गुजरात दे अहमदाबाद दी 2030 आले राष्ट्रमंडल खेड्डें लेई मेजबान दे तौरा पर सिफारिश कीती गई ऐ। ए घोषणा राष्ट्रमंडल खेड्डें दी कार्यकारी बोर्ड दी मीटिंग

दौरान कीती गई। इस सिफारिश गी नवम्बर 2025 च राष्ट्रमंडल खेड्डें दी महासभा अगगे पेश कीता जाग। गृहमंत्री अमित शाह होरें मुख्यै गी मुबारकबाद दिंदे होई इस उपलब्धि दा श्रेय प्रधानमंत्री नरेन्द्र मोदी हुंदे नेतृत्व गी दिता ऐ, जेदे कन्नै खेड्डें दे वैश्विक मंच उप्पर भारत दे बददे रसूख दा पता लगदा ऐ। केन्द्रीय खेड्ड मंत्री मनसुख मांडविया होरें आखेया जे 2030 च अहमदाबाद च राष्ट्रमंडल खेड्डां हर इक भारतीय लेई गर्व दा पल होग।



Women's Cricket -WC

ICC महिला क्रिकेट विश्व कप च कोलम्बो दे आर. प्रेमदासा मैदान पर कल पाकिस्तान ते इंग्लैंड बश्कार खेड्डेया गया मैच बरखा कारण रद्द होने करी दौनें टीमें गी इक-इक अंक पर संतोष करना पेया। प्रतियोगिता च पाकिस्तान अजें तोड़ी इक बी मैच नैई जिती सकेया। अज्ज विशाखापटनम च आस्ट्रेलिया ते बंगलादेश बश्कार मैच खेडेया जाग। मैच दपैहरी 3 बजे शुरु होग।



Badminton

डेनमार्क ओपन बैडमिंटन टूर्नामेंट च स्टार भारतीय खडारी लक्ष्य सेन ते Top Men's Doubles जोड़ी सात्विक साईराज रंकी रेड्डी ते चिराग शेट्टी कल ओडेंस च प्री-क्वार्टर फाईनल च पुज्जी गे न। दुनिया दे 21 नम्बर दे खडारी लक्ष्य सेन नै आयरलैंड दे Nhat Nguyen गी 10-21, 21-8, 21-18 कन्नै हराया। अज्ज Round Off 16 च उन्दा सामना, डेनमार्क दे एंडर्स एंटोनसेन कन्नै होग।

प्रतियोगिता दे पुरुष डबल्स च सात्विक साईराज रंकी रेड्डी ते चिराग शेट्टी दी जोड़ी बी प्री-क्वार्टर फाईनल च पुज्जी गई ऐ। इस जोड़ी नै स्काटलैंड दे क्रिस्टोफर ग्रिमली ते मैथ्यू ग्रिमली दी जोड़ी गी हराया। अज्ज साईराज ते चिराग दा मुकाबला चीन दे खडारी ताइपे के योग पो-हान ते लियू कुआंग हेंग दी जोड़ी कन्नै होग।



IMD Weather

भारतीय मौसम मैहकमे नै केरल, माहे, तमिनाडू, पुडुचेरी ते कराईकल च अज्ज बड़ी भारी बरखा सरबन्धी ओरेंज अलर्ट आली चेतावनी जारी कीती ऐ। मौसम मैहकमे नै आंध्र-प्रदेश, तमिनाडू, ते लक्ष्यद्वीप च बी बड़ी भारी बरखा दी संभावना जताई ऐ। मैहकमे नै उड़ीसा, तेलंगाना ते कोकण, गोवा, मध्य-प्रदेश ते मराठवाड़ा च अगले दंऊ दिनें तोड़ी बिजली चमकने ते अंधी-झक्खड़ चलने दी पेशगोई कीती ऐ।

